

泰和縣志

乾隆十八年新鐫

遵奉
各憲重修裁定

泰和縣志

本衙藏板

紀乎天者日月星辰紀乎地
者山嶽江河紀乎人者詩書
禮樂兼三才而綜之故法象
以備經目以敷群國之有志

同治



廿五
三



序一

史類也漢時每歲上計其阡
塞戶口多少彊弱人民所疾
苦統載冊籍中可不越堂皇
而得然至深其疏密攷厥異
同或蕪蔓而窳要或墨漏而

多胸志乘不經鐵彈禁集識者
病儲泰邑當章貢之衝山川
峻秀材異毓鍾曰近志濫託重
請修葺典尹棠庀事唯謹
復延通流商榷體例森嚴裁

序二

荆祥賸博采以証實附業以
闕疑不假臆斷務秉大公攬
氣候徵農功之蚤晚臚風土
區習俗之貞衰表其墮樹倫
常之標準是雖一邑志乘而

隱具三才之義，我焉於以襄佐政。
化不無裨，補豈徒儲。蘭其書
撥擯充說，郤之支裔。云爾哉。
書成，請余裁定。余嘉其嚴古，
必當衡合。從恕，俾人披覽。愜

序三

心而耳目為加清曠也。爰書
瞻畧以并簡端。

省

乾隆十有八年歲次昭陽作
垂仲冬之月長至日

士出身

通奉大夫江西承宣布政使
司布政使加五級紀錄四次
華亭王興吾書於薇署之
清惠堂

序四



泰和縣志心附錄一卷

吉安府泰和縣知縣高陽冉棠重輯

淳熙志序二篇

紹興乙卯先君攝簿西昌時初脫兵火之厄井邑蕭條
訟牒稀少而簿廳事尤簡間與邑之賢士大夫賦詩酌
酒而已後四十二年秀實始得邑於此既見吏民首訪
遺跡則前日瓦礫之場豺狼之墟蒼煙野草之所延蔓

泰和縣志

附錄

序

一

者今皆棟節薨連壯哉縣矣每欲輟簿書之餘暇覽江
山之形勝搜求先君遺文逸句於精藍古寺山巖□壁
之間且因以稽考此邦賢人君子之操履墨客騷流之
賦詠高僧仙伯之談詭譎怪揭而揚之未暇也一日太
守直閣王公以書抵秀實曰天下郡國皆有志而廬陵
獨闕意者其有待乎子盍有以成吾意凡四封之內一
事一物有可以脩實錄者咸採摭以告秀實奉命惟謹
於是好古博雅之士各以所聞來獻乃詔貢士嚴萬全
倪求己會粹之而縣丞張君可速董其成釐為一十□

以資討論之博昔司馬子長負良史之才自唐虞以來世為天官且先人之論纂略脩即舊文而次比之疑若無甚難者而又且游江淮上會稽浮流湘涉汝泗盡取山川之秀納之胷中然後採摭經傳鉤考是非是以下筆常有竒氣自班孟堅以下遼乎不能及也公以宏才奧學世濟其美一麾竭來弊剗利興郡以無事坐嘯餘閒他無所及而汲汲於是竊有以窺公之心矣他日陟蘭臺芸閣之峻抽石室金匱之藏編摩讐校以□一代之典則雄深雅健追配古人此書不為無助云淳熙二

泰和縣志

附錄 序

二

年十二月奉議郎知縣事陳秀實序

右西昌志所錄皆宋淳熙以前事考其詩文□□之泛而宋末至今西昌之人物可書甚多而未聞有一有續志之者其孰之過歟其孰之過歟永樂丁酉秋七月楊士竒識

按陳序內云廬陵獨闕廬陵疑是太和之訛直聞王公未詳其名查通志南宋知吉州有王洋王佑二人皆非淳熙間任俟再考

鐘之堅也用既久則其追蠡歷之巧也傳既久則其□

差物久必敝敝有貴乎修亦有無事乎修者追蠡之無事乎修所以存古也歷差而不修則戾于今郡縣有圖志非今也古也古與今時異事殊變遷靡定古不足以驗乎今今無以信乎後忽而不修可哉姑即廬陵之為郡與太和為邑者較之漢初廬陵始為縣至漢末而為郡隋初置吉州至隋末廢州而後為郡唐因隋舊既為郡矣而又或為州昔也縣之隸於郡者五今也州之屬縣八矣昔也郡之戶不滿四萬今也戶餘四萬□□止一縣矣若是其不同也當其縣之未為太和也為廬陵

泰和縣志

附錄 序

三

見於漢高為西昌東昌見于孫策為遂興廣遂等縣見于梁陳之前廢西昌東昌等縣而為安豐見于□□皇之九年移安豐改為太和始見于十一年矣治其既為太和也謀徙于西昌則大業八年也即而為南平州則唐武德五年也移縣治於白下驛則乾元三年也偽唐析四鄉以為龍泉塲皇宋分六保以隸萬安又割三保以隸永新矣若是其不一也夫其不同不一者何也久也自漢迄今千三百餘年不已久乎其間遷徙離合因革廢置陂谷以時變封畛以時盡人物以時新命名以

時易而所謂圖志也不以時修何以示將來垂不朽哉
太和舊有圖經僕初抵官獲見焉叙述濶踈編次無倫
其卑狹也如曹鄴之風其淺俗也如甲乙之帳徃徃不
足為壯縣稱蓋嘗欲致力於新而未有以發之長官陳
希改一日出示太守直閣王公所賜青教諄諄盈幅留
意此作僕捧讀纔畢長官謂曰子其知賢太守意乎大
守之有斯命非矜而多愛也其將遠觀覽凡星土所分
人迹所暨山川流峙動植散殊風俗媿惡淳涵□□中
發揮於筆下以補九邱之亡以益禹貢職方之所未脩

泰和縣志

附錄 序

四

囊括古今為一代鉅典傳信乎千載之下是不可不敬
命也邑事倥偬子其為我圖之僕謝不敏退而□擇邑
之貢士素以才識稱者曰倪求己嚴萬全以屬之僕亦
時與討論間為之刪潤諏訪之廣逮于田父野老參考
之詳及於殘編斷簡山鑿冢刻方言巷說靡不搜採會
粹詮次踰時而書成加于舊什六七其修之也于是乎
大脩嘗聞之老泉先生求金於沙斂而揚之其揚之也
精是以責金于揚而斂之則無擇焉凡今之所謂志者
一邑之事也其掇拾總會不可以不脩故無意乎擇賢

太守合四海九州之所紀以成一代鉅典將揚而精之
豈以其歛者之不擇為罪淳熙丙申太和縣主管學事
廸功郎三山張可速序

嘉泰志序一篇

周禮職方氏掌天下之圖志以辨邦國都鄙之人民與
其財用穀畜之數要欲以周其利害然屬於司馬何也
盖司馬掌邦之政典以平邦國而職方之所以戒於四
方者亦不過修平乃守而已則屬於司馬宜也□□職
之□治則又總于太宰之八法豈非宰相者秉國之均

泰和縣志

附錄 序

五

又所以平政典之不平歟則郡縣之志宜宰相之惓惓
也太和隸江西幅員廣袤視古子男邦為緊望□□之
創立在漢為廬陵孫吳始改為郡而以西昌為縣隋開
皇十年廢西昌而置安豐次年移今縣改太和大業八
年以安豐非要津又徙于西昌唐武德五年即太和為
南平郡八年郡廢而復為太和迨乾元三年始移治白
下驛乃今縣治也上下千四百餘年間縣之因革大畧
五變而今名始定然志書不以時修圖經雖存脫落殊
甚漫不可考淳熙丁酉邑丞張可速者始著西昌志十

卷然事出草創未克詳脩嘉泰改元汝謩承乏邑寄嘗
有志於斯而未暇踰歲郡守趙公善鑿以少傅觀文左
丞相益國公先生旨意來檄訪求西昌事跡併及龍洲
顛末俾討論其故以脩觀覽亦汝謩之素願也拜手承
命屬諸鄉貢進士陳暎周有德陸子游會粹之從政郎
新永州零陵縣令曾之謹文林郎新南雄州軍事推官
嚴萬全編次之汝謩總其凡而詳訂之剪剔繇蕪搜訪
遺逸其義當兩存者不敢偏廢亦春秋傳信傳□之意
竊聞之蕭相國收圖籍得以知天下之阨塞而創開基

泰和縣志

附錄 序

六

之業鄧司徒披輿圖得以知郡縣之如是而成中興之
功賢者之所為衆人固未易識也今公相綠野□□而
為國遠慮尚不志圖志之修則先天下之憂而享天下
之樂又加于相國司徒數等矣異時混同寰宇纂修版
籍獲脩採擇之萬一云次歲二月下浣宣教郎昌邱趙
汝謩序

宏治志序二篇

邑志一邑之實錄也凡建置沿革地□□俗宦□□□
□政興廢□□□脩□政者始□□□□□□治之

緩急先後必有資焉泰和舊志淳熙丙申知縣事陳侯秀實命貢士嚴萬全倪求己會粹衆說而成本朝永樂戊戌嘗修之景泰庚午又續修焉亦既梓行然皆總于隄乘邑固不得以獨詳泰和之志遂為闕典宏治中少保尹公歸自內閣慨然留意于斯以司訓李元載博學善文有纂修名遂以屬之既成適大尹崑山沈侯來治履任未幾百廢修舉詢知邑志新成即具禮徵而梓行時余亦蒙恩休致侯乃屬為後序余始從元載□□觀之考據蒐羅鉅細詳密可謂勤矣而鄙見亦或未盡合

泰和縣志

附錄 序

七

方欲相與商畧更定翌日尹公見過偶論及之公曰元載得謝歸未幾元載亦以倦遊返予喜諗之曰□□歷游四方竟成史記古人謂著書多在晚歲今君足跡幾半天下可諉遲暮而弗償宿諾乎元載復曰周益國游優綠野輒述郡志公可旁觀而獨俾予血指乎余曰非不欲勉但作舍道傍恐非所宜況昔趙尹之編次固亦益國之所属君奚讓余其仰成焉於是元載盡發平昔胸次所淳涵耳目所聞見粲然於毫素凡載籍所該涉故老所論議皆參考折衷之舊志有疑誤事迹有佚遺

咸刊正補益之搜訪周悉紀述詳核逾年而書成總十有四卷適大尹沈侯元中以名進士再命以來下車首務稽志問俗有以元載所續輯者告侯欣然具禮幣偕掌教錢敏之分教覃文曜造元載請以鉞諸梓且徵首序于予嗟夫天下事力行在人成否有時若斯志也予與元載期續于數十年之前而僅臻完美于老佚之日有以成前輩欲為之志足一邑文獻之徵而又遇夫庶方果敏稽古好文之賢尹汲汲為梓而傳之且□二圖于卷端可一舉目而慨見視張簿趙尹之用心不啻過

泰和縣志

附錄 序

八

矣豈非事在人為而成也固有其時歟四方人士得而覽之想山川之勝而觀游之意適覩人物之盛□□慕之心慰寮窠嗣至揆前政之遺愛必觀勸以儷其休邑人子弟仰先達之休聞必感勵以世厥美將風俗愈厚吏治彌善人才益顯赫民物益阜康其有闕于治化也鉅矣豈徒一輿地志云爾哉今既有續乎古後必有紹乎今予姑序之以俟宏治十年丁巳歲孟夏初吉賜進士出身資德大夫太子少保兵部尚書兼翰林院學士知制誥同修國史兼經筵官致仕澄江居士尹直

序并書

按此文據宏治志抄本所錄今考序內有云宏治中少保尹公歸自內閣又云余亦蒙恩休致尹公見過偶論及之若尹直作序不應自稱少保尹公又前稱大尹沈侯詢知邑志新成即具禮徵而梓行後又稱沈侯具禮幣造元載請以鋟諸梓考秩官志沈時先任餘干改命泰和在泰邑未嘗兩任今敘述重複舛錯乃爾疑此序本係兩篇□□合為一也姑存備考

泰和縣志

附錄 序

九

吾泰和素稱文獻鉅邦顧縣志獨久而未續蓋自宋淳熙丙申縣簿張可速嘉泰初縣令趙汝暮屬諸□士修輯僅一再而皆未及梓以行故爾泯焉迄茲三百餘年山川星野固依然其舊而世易事殊官稱邑號之因革城市公署之廢興貢賦戶口之登耗人物宦蹟之代作賦詠著述之日新乃散見而各出類無成編寧非缺典識者慨焉時國初鄉衮劉子高先生洎楊文貞公王文端公皆銳意欲續而未果予初入翰林預修寰宇通志大明一統志因間采錄一二有意續輯屬時制作繁盛

日弗遑逮成化初予友南樂縣學司訓李君元載寓京邸嘗與談及諾為己任尋以退遊吳楚去後予丁外艱家居致書招元載未及歸而予即吉改南都至召入閣日親政務不復專事鉛槧然此志固未懈也宏治紀元幸比志實竭心力且沈侯銳意欲成此數百年之闕典姑勿立異以速其成後來之英固可據此而增損也余無以應退而遂序以復沈侯因嘆曰邑之江山靈秀終古不移惟人物風俗代有不同此則不能無望□□來賢俊與父母斯邑者蓋邑前輩之賢自宋元來史不絕

泰和縣志

附錄 序

十

書而尤盛于本朝如楊文貞公之弼亮四聖功在社稷宣德正統間為輔相之首謀謨得行用久任之□□下富足倉庾陳因公之功為多而退然謙虛若未嘗執政者其德量為何如王文端公位冢宰十六年黜陟賢否惟公惟忠始終無一毫掛士夫清議其操執為何如少司寇曾公致政還鄉者十餘年優游林泉絕跡城府清風高節邈不可及其高潔為何如前輩固多可法三公近而且顯尤所當寤寐不忘士夫君子必有其德有其操有其高然後功業可久大聖賢可幾及余故表而

出之以告夫景行先哲者至于風俗移易實繫一人邇者沈侯焚燬淫祠而民曉然知尚鬼之非修廢舉墜而民翕然信復古之是善政之行無不如意邑人向化易于施治盖如此有意斯民使之為齊為魯而至于道旌麾所指風俗立變語曰草上之風必偃余故特著之以告嗣為父母於泰和者謹序

賜進士及第朝列大夫南京國子祭酒前太子洗馬兼經筵官春坊講讀官同修國史致政邑人羅璟

按萬歷志此文自泰和素稱文獻起至屬時制作

泰和縣志

附錄 序

十一

繁盛日弗遑逮止作尹直序而以尹原序增其後云又曰斯志也想山川之勝至有闕于治□□鉅矣止又以尹序內所載余始從元載所修觀之翌日尹公見過偶論及之云云作羅璟序盖由簡編訛脫故致舛錯附此備考

萬歷志序一篇

夫史之必傳於世也猶經然然夫下之難為可傳者莫如史也史之所以傳者多得經之意而以經生為之未必史也盖古者國家有史而史皆世其家後世雖無世

家之史猶以專職為之或曰誠專職矣得人難猶弗史也則有廢閒故老與夫山林文章之士又各以其見自□野史以補□之漏遺迨於易世而傳則世家者十之五耳矣□職者十之三耳矣廢閒故老山林文章之士十之一耳矣故曰天下之難為傳者莫如史也志非史也而近於史今世為之者大率所謂廢閒故老山林文章之士而非有司之職也間以屬有司則必竒雋之夫既博以雅獨為鉅公大人所憐惜而又或處乎□□或隸乎僻所居終身無以異於隱丈人者偶可一起而應

泰和縣志

附錄 序

十二

之而非泰和之謂也泰和者天下之望縣也邦稱都會代產名人難乎其為志也即有廢閒故老山林□□之士猶逡巡卻退若不敢聞况令耶况令如元者耶夫令經生也烏足語志萬歷戊寅夏今少司馬劉公巡撫江西將有事于省志檄所屬類輸之獨泰和志缺令無以應則謀之縉紳先生咸曰吾邑宏治間有志顧其時已不傳今且行之四方詎可率然辨也一日太守曾先生雲尚書郎張先生峰廷評王先生渤集諸縉紳士數十人造令以其事請令茫然謝不敏再拜去而大中丞曾

公于拱按察使胡先生直叅政王先生鳴臣符卿陳公昌積日發書申督益懇且曰舊志秘在民間或能索而有之其近者則願出所覩記以從蓋舊者可核而新者可補也君侯其毋讓雖然令經生也烏足語志必不可已乃選邑諸生中授以凡例令先次其梗概公餘少暇執管其間發故室之笥藏撫老儒之口默襍採風謠而訂之以賢大夫士絕籍眇言時聞間出若或相之其最可據者淳熙志抄本李司訓私志與羅司成批□□訓之志也越八月書成分為十卷總十二萬言于是乎讀

泰和縣志

附錄 序

十三

之心慄焉雖然令豈散秩而僻處者哉今豈竒雋而博雅者哉若曰藉是以復鄉先生之請且以應上□□需云爾乃邑諸生又曰茲志也其例與諸志稍別何也則又申之曰夫志也者三才之道具焉列地之理應天之文圖先矣上下二千餘年陵谷幾遷矧于人事事要矣圖以志輿地也圖不足則表之書之表者圖之餘而書則圖中之事也事以著人物也事不足則表之傳之傳者事之餘而表則事中之圖也二義兼湏志焉以脩若乃考其文詳其實微其可戒張其可慕隨例著鮮徃□

忘其僭踰則惟據經生所習之舊聞無論近史與否即不暇計其有當于志何如矣嗚呼觀斯志者誠知其經生出也其志不志也史不史也則非今之所敢知也萬歷己卯歲秋孟之吉日澄海唐伯元撰

康熙志序二篇

昔江淹言修明之責莫難於志誠以志者事必舉其脩攷貴得其詳非局於謏聞寡見拘於私智薄識者所能勝其任也西昌舊有圖經而無志自宋淳熙間□□秀實嘉泰間趙君汝暮先後哀輯今已燹蕩無存明時有

泰和縣志

附錄 序

十四

宏治志出於司訓李兀載然事僅宏治以前止矣有萬歷志出於澄海唐曙台然事僅萬歷以前止矣以後歷百餘年世變鼎遷敝隘轉側鮮有續其後事且乙卯舊版亦付丙丁鈔本襲訛文獻失實良可慨已余垂髫時從先大夫入史館稍知修史大概竊謂修志與修史事例則一故見邑志缺畧即留意於此無如弛政之後日眯簿書手桎朱墨舌敝訟獄腰折逢迎數日計月如童子逃學方以脫去為幸而奚暇問志也丙子歲余比行謁晤父友多歷政地咸索志於余而無以應因慨然有

志割俸議修說者謂孔子春秋至老始定馬遷史記遊
遍方成孟堅漢書稿且未脫五難四患之說袁松有鑒
於此矣志豈易修哉雖然志不以時修則去之愈遠傳
之愈訛深懼漉漫而不可稽也况西昌人物宋明極盛
其間名臣碩彥忠孝節義角立穎露炳耀史冊而顧以
邑乘略之可乎哉余從初念檄徵其籍柰四方來獻者
已事七八後事二三無甚增前志甚有意所神慕者究
未得其隻字井外之海甕外之天徒惘惘自憾□□得
其大畧又不敢以搜求未備竟歇其役姑就所見聞者

泰和縣志

附錄 序

十五

延吾友張容菴操瓢竄定其間遺則補之誤則正之信
而有証者從之疑而失據者刪之歷寒暑晝夜□□鉢
心始克就緒雖較之舊志詳略有間訛正攸分然猶疑
信相半未慊於懷或藉是以備遺亡誣先罔後之罪差
可少逭任昉有言既鮮故老之日必資不刊之書此志
之成非敢謂不刊之書也亦曰了却公家事了此一段
癡腸云耳好學博古之士其共鑒諸時康熙戊寅春月
泰和縣知縣北平田惟冀撰

比乎田公領簿白下已十年矣日以邑志缺畧惘惘自

憾屬余任其役余茫焉異之謝不敏曰志者憲章之所繫非具三長則不能陳壽號善叙述李延壽亦稱能悉舊事然所著二史雖有紀傳而獨不克作志難其事也余襪線其才管窺其見譬如埴井之蛙傳火之螢有向知識而欲以固陋之學登著作之堂亦不自知其量矣况硜硜磨鈍值此數竒屢躋棘闈行將焚硯捐書之日而謬為事事豈復能勝其任乎公曰否否古人隨地著書立言不朽沈休文撰宋書江文通著齊志姚□□成梁陳史皆有以也未幾邑中賢士相率來其籍貯之於

泰和縣志

附錄 序

十六

簞久而漸盈公曰是可以志矣余曰未未聞之人言多脩規軸減溜大成脩不多則成不大矧泰和西□□望也其文獻有獨盛乎又搜之山穴殘碑故族半編稍次之遂得其畧於是盡變前志之例獨標校正之方增新補遺正訛芟舛曉案圖書夜窓螢火歷寒暑晝夜始克就緒所恨徵求未脩繕寫寡助鑰於清署耳目未周其間雌霓繆呼金根妄改亦或不免公嗑然而笑曰亦差勝於前志也遂付之梓時康熙戊寅春月四明張銓容菴題於朱禾堂

蕭執圖經志序

洪武十九年

吾縣自漢時得名廬陵繼陞廬陵為郡而改縣為太和以其也產嘉禾故也厥後一改而為南平再改而為白下或州或縣歷千餘年而至今日猗歟盛哉洪武十八年三月丙子江陰徐侯伯敏特膺上命來知此縣下車之初延訪師儒講明是書誠所謂知為政之大體者居無何書既成凡若干卷事覈而不華簡而有要使觀者開卷一綱舉而萬目自張也

李穆宏治志例一條

泰和縣志

附錄 序

十七

是志之修先得郡志中刻本為主□多畧而不詳其次得宋時淳熙志錄本於貢士王宜中比郡志差□□止於淳熙時矣其次得宣德以前錄本於東城之楊宗華蓋經其先太師文貞公所嘗改正者第前後剝落殊甚故又假都運康公德良所有者而補正之最後又得典膳王仁甫所藏宋嘉泰重修志蓋其祖汝南手筆比淳熙志所增不多集此數本參以今之見聞因循歲月僅克成編而吾仲子侑以夏廬母墓側地僻人靜乃得專□繕寫之勞亦一助也然非少保尹先生力贊其成言

□縣侯沈公託為不朽之圖則亦徒耳或者以予於人
□一槩混書無別為病吾實不知也嘗觀之繁星麗天
之文也人望而敬者五行而已豈衆星之所能混哉予
之意蓋如此

郭子章白下大記序 萬歷三十一年

予邑東漢以前統於廬陵縣孫伯符據江東始立為西
昌縣至隋以嘉禾生改名太和唐改南平州尋為太和
縣元元貞陞為州我明仍為縣改太為泰此建□□之
大畧也至於五行水旱之灾四境治亂之跡人物盛衰
泰和縣志
之故池城築墮之縣皆事之巨者不可無書萬歷己卯
志作事紀僅得其槩遺者十八誤者十一予為□□正
之作大記

附錄 序 十八

泰和縣志附錄一卷 終

泰和縣志重修例義十條

泰和之為西昌乃孫吳時舊名昔王文恪公鑿修蘇州府志冠以姑蘇之名為楊儀部循譏笑今頒行統志通志現稱泰和未便改從已廢之縣况南昌府屬之新建向亦名西昌豈可混淆無別故仍唐田舊志仍曰泰和

是誌修葺據李穆宏治志唐伯元萬歷志兩書為主而以田惟冀康熙志參之李志紀載稽詳□無掬不免又係鈔本魯魚雜出唐志校□體裁然疏漏

泰和縣志

例義

一

□多至田志則甄綜不精去取無準濫載之弊自此叢生此西昌新志遂得籍口效尤茲悉□而清之務還李唐舊規間照田志或新志增補俱逐條註明于內

宋衛正叔撰禮記集說謂他人著書惟恐不出于己正叔所編惟恐不出于人近代朱簡討彝尊深韙其言取以成日下舊聞是誌亦估此例凡有事實必授據某書出處標註于下俾來者有所考証如或傳聞乖誤則附以案語或闕疑或糾謬並存條

考觀者一覽自明

李穆稱得淳熙嘉泰二誌始克成編田志謂二書杳不可得惟有李穆志及郭青螺白下大記及後得蕭國學從涪家嘉泰舊志鈔本因志板刊就不及補登今重修是志并淳嘉兩志及白下大記俱無從訪覓僅存李志鈔本及唐伯元志而已文獻不足殊可憾惜

勝國泰邑人物最盛其誤述亦夥今訪求什無□二僅有周龍蟠尹訥菴梁畦樂父子兄弟揚東里羅

泰和縣志

例義

二

整菴諸集其他不可得見或遭兵燹散佚或子孫秘藏不出故采擇多隘周尹等集內有可資見聞者期于發潛闡幽當勿嫌為溢取

志乘之弊有二一雜採民間譜牒一泛據後裔呈狀江右風俗好冒認顯達祖宗或假捏科名官閥甚至造作誥勅如蕭郭諸譜所傳黎邱之鬼偃師之技不直考古者一笑也茲志悉加刪除其科目遵照通志及李唐二志所有者存之新志于千百年後劈空增入從何取信不敢附和濫登其官閥□

按據各朝訂正至世系昭穆係□家之事作志可
勿與校郭崇韜過子儀墓下馬泣拜姑聽之而已
學校規制嚴肅朝儀祀典統于是賴故凡先儒牌位
及樂章器具儀注各條雖他志並載而此亦不敢
畧者一以示職守一以昭典物挈瓶假器庶無尤
焉

人口內忠孝節義學問品行彰彰表著者統為一編
止據時代先後不添名目先正典型非末□□敢
擬議也其孝行被旌雖無事實亦附載至新志續

泰和縣志

例義

三

增者未敢輕加芟薙別為雜紀依類附存汝南月
旦自有定論在耳

列女一門志書登載過繁泰邑尤盛深為簡編之累
茲擇前志所登暨縣册被旌有據者悉為采載其
他守節各氏或因貧窮無力未沐褒崇或因囑託
營求濫污翰墨無由懸為判斷既經新志采入姑
另為一編附後俟異時核實詳旌

文章一小技于道未為尊少陵此論畢竟屬偏言之
無文行而不遠聖訓明徵彼如鼎鐘碑碣昔人尚

□□幽僻以考正史闕遺况其有閔方輿事蹟及
□化勸懲者乎宏治志藝文分散山川學校內檢
閱不便唐志闕而不修今從田志廣為麇摭其中
或有訛脫並照原文李穆云各項詩文有疑難處
不敢輕率改竄恐坐金銀車之失亦古人傳信傳
□之意也今亦竊取其義覽者諒諸

發凡起例始於左傳後人不論何書輒取二字
冠諸首簡何義門太史曾痛加駁斥而誌書光
公襲可笑茲故稱□例義□

重修泰和縣志序

邑之有志猶國之有史然史則
褒刺並陳而邑志於人物之紀
載專取善善之意從其厚也是
故十室之邑必有忠信百里之
內聚有賢人秉筆者不惜博採

而詳述之雖然業惟貴其不朽
事必取其有徵何者史傳可據
何者案牘可稽何者輿論僉同
上自縉紳先生而下至于街談
巷議無異詞夫然筆諸簡冊可
以昭示來茲勸掖後進舍是則

毋寧存而不論焉子不云乎吾
猶及史之闕文也余奉
□吉陽念是地節義文章為海
內斗杓自昔推重而所見郡邑
各志及吉州人父紀略蕪陋已
甚欲加核正必徵文獻爰訪求

遺書如段成式之宦下記周必
大之廬陵志曹□雅之異物志
暨永初山川記白下大記乃邈
不可得中心缺然適西昌新志
刊竣以謬濫被讞
上憲檄飭重脩縣尹冉君性直

樸無媿阿敦請博洽名流為吾
宗原任瑞州守泊村先生前輩
商確筆削去取必當閱朞歲而
書成條例森嚴一準舊志都有
援据不苟至近代片善稍著別
為雜紀以俟定淪其宅心寬厚

復如此夫泰邑環贛江之經流
武潮諸山雄杰挺秀故毓鍾人
文最盛邇亦賢喆間出然科名
稍遜於前豈真古今人不相及
耶誠能勤學問礪名檢一洗凌
競壽張之習父兄之教先而子

弟之率謹吾知彬彬郁郁當必有楊東里王文端羅整菴其人者出而應之以作羽儀楨幹異時黉潛闡幽大書特書不一書其為邦家之光多矣豈第于一鄉爭片善之長已哉然則是志

之成也從其厚亦從其實余即持此意以為彼都人士勸云爾乾隆十有八年歲在癸酉孟冬之月

□
中憲大夫知江西吉安府事加
二級又軍功加三級紀錄五次

德清沈作朋序



泰和縣志

沈序

五

重修泰和縣志序

棠承乏泰邑甫蒞任見案牘有訐告西昌
新志事隨集紳士公訊讞詳蒙

前院憲西林鄂公暨

藩憲華亭王公允結將刊板銷燬并飭另
選淹博者纂修其應增入刪除者務令秉

泰和縣志

冉序

一

公持正去取無私仰見

各上憲慎重志乘盛意棠凜遵不敢忘尋
奉

憲諭以豫章書院掌教泊村沈公學問淵
通品行端慤曩在京襄理統志館局熟諳
□裁棠因敦請共事互相商榷大都憲章

舊志取李唐兩書作標準用田志參考異
同自明萬歷以上李唐所有者甄綜畢備
而

國朝康熙戊寅以前田志所續亦酌增焉匪是
則削以鑿空無據也戊寅以後科名人物
列女則取通志為準証以印冊間及西昌

新志訛者正之棼者糾之期復還李唐舊
觀此棠所硜硜自執罔敢以私心好惡臆
斷其間天地鬼神昭布森列實臨鑒之孰
有不洗心滌慮以自貽臯戾哉至西昌志
載近時孝義貞媛之類繁蕪失實者或有
苟屬可采寧過而存之第不敢溷殺正編

恐致門牆之麾而姑樹厥風聲俾來者知
所勸慕亦牖民孔易之一術乎洪範曰無
偏無黨王道蕩蕩無反無側王道正直孔
子謂三代直道而行斯民豈異人任哉直
者天理之公罔之生則為倖免如有任情
曲撓欲以私心而滅天理則必非人類而

後可也泰邑本醇儒淵藪整菴廬山諸公
典型具在俾頑廉而懦立是書中多采取
嘉言懿範覽者或可作登岍之寶筏溱室
之孤燈乎棠不敏庶藉手仰酬
各上憲之遴委而得與邑中賢士大夫砥
礪觀摩以不負

聖代作人雅化竊亦與有榮幸焉耳謹序

乾隆十有八年孟冬月

飭授文林郎吉安府泰和縣知縣加二級高陽

冉棠拜撰



泰和縣志

冉序

四

泰和縣志重修姓氏

方伯華亭王慎菴先生鑒定

監修

吉安府知府 沈作朋 浙江舉人 □

吉安府蓮花廳同知 張梅 奉天旗人 □

總修

吉安府泰和縣知縣 冉棠 直隸高陽縣舉人

泰和縣志

姓氏

一

協修

豫章書院掌教原任瑞州府知府 沈瀾 浙江烏程縣進士 程

分校

南昌縣舉人 彭元瑞

南昌縣舉人 閔鑑

奉新縣舉人 鄒玉泰

安遠縣舉人 李殿邦

南昌府學拔貢生 楊卮

豐城縣學拔貢生 劉鍾秀

瑞州府學拔貢生 陳朝□

高安縣學拔貢生 吳□□

武寧縣學廩膳生 汪□

宜黃縣學廩膳生 汪德□

撫州府學廩膳生 李禮

泰和縣學附生 周以鵬

繕寫

豐城縣學附生 陸師曾

宜黃縣學附生 劉譽

泰和縣志

姓氏

二

南昌縣儒童 熊方斑

泰和縣儒童 匡瑞蓁

董刊

泰和縣考職吏員 匡瑞□

泰和縣志目錄

卷之一

輿地志

地圖 疆域 星野 沿革 形勝

卷之二

山川 城池 官廨 驛舖 塘汛 倉

卷之三

津梁 陂塘

卷之四

泰和縣志

目錄

一

城廂 鄉里 墟市附 風俗 古蹟

卷之五

食貸志

田賦 戶口 役法附 鹽課 儲備 土產

卷之六

志

□ □ □ □ □ □ □ □

卷之八

壇壝

樂章附

雩祭

禋祭

□□

□□

賓興

學廡

書籍

射圃

學田

書院

公產附

卷之九

官師志

令宰

縣丞

典史

□□

學官

卷之十

宦蹟

泰和縣志

目錄

二

卷之十□

封建

□□

卷之十二

選舉志

科目□

卷之十二

科目下

卷之十四

貢士

□□□□

卷之十五

敬薦 封贈 恩蔭

卷之十六

人物志

列傳

卷之十七

列傳

卷之十八

列傳

泰和縣志

目錄

三

卷之十九

列傳

卷之二十

列傳

卷之二十一

列傳

卷之二十二

列傳

卷之二十三

補傳 流寓

卷之二十四

列女

卷之二十五

雜紀

孝義 隱逸 文學 方術

卷之二十六

惠恤 貢祿 耆年

卷之二十七

泰和縣志

目錄

四

貞媛

卷之二十八

仙釋 寺廟 □ □ □ □

卷之二十九

藝文志

奏疏

卷之三十

記上

卷之三十一

記中

卷之三十二

記下

卷之三十三

□上

卷之三十四

序下

卷之三十五

書

題跋 說

銘箴贊 詰對

泰和縣志

目錄

五

卷之三十六

傳

墓銘誌表

行狀

哀辭

雜文

卷之三十七

賦

卷之三十八

詩上

卷之三十九

詩中

卷之四十

詩下

附錄一卷

舊序

泰和縣志目錄終

泰和縣志

目錄

六

泰和縣志卷一

吉安府泰和縣知縣高陽冉棠重輯

輿地志

自秦改設郡縣歷代因之分疆畫界犬牙相制錯綜分合更張不一是以蘭臺金匱之編必詳載地志部次州居指掌可□而顧野王賈耽樂史歐陽忞祝穆諸家先後□□專紀方輿而後建置沿革


泰和縣志

卷一

輿地

一

始脩西昌巖邑當在□□之間今首列輿地分為十八門曰地圖曰疆域曰星野曰沿革曰形勝曰山川曰城池曰官廨曰驛鋪曰塘汛曰倉庫曰津梁曰陂塘曰城廂曰鄉里墟市曰風俗曰古蹟曰坊表彙為輿地志焉




泰和縣志

卷一

輿地 地圖 一


繪圖




泰和縣志

卷一

輿地 地圖 一一







泰和縣志

卷一

輿地地圖四







學宮圖

泰和縣志

卷一

輿地地圖五





泰和縣志

卷

輿地 地圖 六

圖說

周禮聽閭里以版圖圖與書之並列久矣西昌舊有圖經久已燬滅自宋淳熙以來志經屢修而圖不槩見惟明宏治李志始繪城池山川及縣境三圖又萬歷唐志有疆域城郭縣治學宮四圖于卷首

本朝康熙間田志復增縣治新圖一是編斟酌前圖更加增葺首輿地而全邑形勝瞭於指掌也次邑城次公署次學宮循舊籍表建置也俾披籍者見疆域之壯麗而知靈秀之毓鍾云

夫志必首圖也周禮職方氏所專掌而漢相□□之所先收也天下者一縣之積也而況乎縣如西昌也不備則志不盡圖不說則圖不盡意廣其圖而四之而各系其說于後一開卷盡得之矣萬歷志古者畫疆繪圖所以辨方域也周官有形方氏以掌邦土職方氏以掌輿圖而漢相入秦必先收其圖籍圖之所係大矣萬歷舊志列圖有四而各附其說于後今縣治更新堂署規模已非由舊另繪一圖俾披圖者知西昌氣運于此復盛康熙志

泰和縣志

卷一

輿地 圖說 七

疆域

泰和縣在吉安府治南八十里廣一百九十里袤二百里跨廬陵永新萬安龍泉及贛郡之興國界連五縣地由縣治而東為仁善鄉與興國鄰東南為仙槎鄉亦與興國鄰由縣治而南為雲亭鄉與萬安鄰由縣治而西南為千秋鄉與龍泉隣由縣治而西北為高行鄉與永新鄰由縣治而北為信實鄉與廬陵鄰□一東至贛州府興國縣水口界一百二十里自界到□治六十里計一百八十里而達福建汀州府

□□至本府龍泉縣花林渡界一百五十里自界到縣

□八十里計二百二十里而達湖南郴州之桂陽□

南陸大路自縣南門二十五里至官橋頭與本府萬

一安縣交界自界到縣治八十五里計一百一十里而

一通贛縣宏治志作南至萬安官莊界二十五里

一南陸小路自縣由桃源村三十五里至本府萬安縣

通津橋交界自界到縣治六十五里計一百里而達

贛縣

一北陸大路自縣北門三十里至孔家舖本府廬陵縣

泰和縣志

卷一

輿地 疆域 八

交界自界到縣治五十里計八十里而至本府治宏治

志作北至廬陵棗樹坑一十五里

一東南至萬安縣胡家坊尹里坑口界四十里自界到

縣治四十里計八十里一至贛州興國縣平闌界一

□百二十里自界到縣治八十里計二百里而達福建

之長汀

一西南至萬安縣白土界四十里自界到縣治八十里

計一百二十里而達□泉縣

一東北自縣由新墟四十里至本府廬陵縣鐵溪界四

十里自界到縣治八十里計八十里而達本府之吉水

一西北至本府永新縣橫水洲尾界一百二十里自界一到縣治八十里計二百里而達本府之永寧

□水路自縣南門渡逆流至萬安縣一百二十里

一水路自縣東門磯頭汎順流至本府治一百里

凡由縣至省城陸路六百七十里至江南江寧府二千二百三十里至

京師陸路五千六百二十里

泰和縣志

卷一

輿地

疆域

九

自諸縣割置之後今之疆域猶倍大邑廣百九十二里袤五十五里截長補短方百里者二此其大畧□

淳熙志

按西江志泰和廣一百九十里袤二百里舊志□
袤五十五里非是

泰和在吉安府少西

明史地理志

泰和隋唐之際地方千里至宋疆域始定南北八十里東西二百九十餘里東至興國水口界一百二十里東南至萬安胡家坊尹里坑界四十里南至萬□

官莊界二十五里西南至萬安白上界四十里宏治志作

觀背西至龍泉花林渡界一百五十里西北至永新

橫水州界一百二十里北至廬陵棗樹界二十五里

宏治志作棗柱坑東北至廬陵鐵溪界四十里歷志

星野

泰知縣本吳楚地於天文為斗分野

星紀斗牽牛也爾雅

斗綱之瑞連貫營室織女之紀指牽牛之初以紀日

月故曰星紀漢書律歷志

泰和縣志

卷一

輿地 星野 十

吳地斗分野也今之會稽九江丹陽豫章廬江廣陵

六安臨淮郡盡吳分也漢書地理志

斗牽牛須女吳越揚州九江入斗一度廬江入斗六

度豫章入斗十度晉書天文志

江南道蓋古揚州南境漢丹陽會稽豫章廬江零陵

桂陽等郡為星紀分新唐書地理志

南昌饒州廣信南康建昌撫州臨江吉安瑞州袁

贛州南安天文斗分野明一統志

□六星二十五度為吳之分野南昌入斗八度饒州

□信同居七度瑞州三度建昌五度撫州六度吉安九度贛州十二度南康臨江袁州南安俱斗四度而九江則入牛五度雖分郡甚晰然與九江入斗一度豫章入斗十度從前諸家又相逕庭矣豈氣數遷移古今懸不相符合一至此乎

通志

泰和望縣本斗分野

宏治志

按斗六星二十五度吳之分野江西古豫章郡泰和隸豫章則分星在斗無疑矣茲採天官以下諸書及通志所稱引皆為江西全省古揚州之域言

泰和縣志

卷一

輿地

星野

十一

也泰一邑耳寧得獨居之且亦安能確指其為何度哉然攷渾天儀說以二百七十二里推一度觀之則晉志謂豫章入斗十度泰和去今省會五百餘里當差二度是泰之分星宜為斗十二度泰編戶二百餘里又宜獨當一度矣又按撫州志南斗六星二十五度每一度得四度一分分之一有竒以地理分之每百里得九分分之一有竒而謂豫章起斗十二度六分與晉志相逕庭矣雖然匹夫之精上應天宿况一邑乎蓋成文定象亦天地自

然之理寧謂西昌百里不足應星紀斗宿之度而可忽諸惟是天事渺茫寸寸而量懼失之鑿博採群籍據其信而可徵者著於篇以備叅攷云爾新志

又按泰邑小邠出耕寒飈漸退方秋而穫溽暑乍收迅電疾雷洒四月之梅雨連陰積霧潤秋中之豆花花木偶發於小春沈澆遲結乎霜降十月雨百虫蔵蟄八月麥群鴈來賓雪熟應豐年之兆天笑知霽雨之來冰不壯於嚴寒風嘗涼於盛暑蓋星土實繫斗野氣候稍同中州云新志

泰和縣志

卷一

輿地 星野 十二

沿革表

歷代	唐虞	夏商	周
國			春秋吳國越滅 吳楚伐越收其 地七國屬楚
州	揚州	揚州	揚州
郡			
縣			

<p>晉</p>	<p>吳 二國</p>	<p>泰和縣志</p>	<p>東漢</p>	<p>漢</p>	<p>秦</p>	
<p>義熙元年封 檀祗西昌侯</p>			<p>卷一</p>		<p>漢改九江為都南 國封王英布淮 九江廬江衡山 皆屬布滅以淮 章南封劉長以 屬吳王淝豫</p>	<p>楚封九江王英布</p>
<p>揚州 州江 惠帝太 康元年 立江州</p>	<p>揚州</p>			<p>沿革表</p>	<p>揚州</p>	<p>揚州 十三州 武帝置 部刺史</p>
<p>廬陵郡 太康元年徙郡治 子石陽在泰和縣 西北三十里</p>	<p>廬陵郡 漢興平二年孫 策立治陽口石 陽故口在今縣 治東北二十里 舊志云初平二 年□□江東今 策始有吳志改 據三圖吳志正</p>	<p>十二</p>			<p>孫獻帝興平二 章年孫策分豫 郡章立廬陵郡</p>	<p>豫高帝二年 章分淮南立 郡王</p>
<p>西昌屬廬陵府</p>	<p>西昌屬廬陵郡</p>				<p>西建安四年 昌孫策置屬 縣廬陵郡</p>	<p>廬陵屬豫 縣志□□在 泰□□□一今 里</p>

□	南陳	蕭梁	泰和縣志 卷一 沿革表 十四	蕭齊	劉宋
	喜大東昌侯年封毛 室永詳遂興年侯封宗	侯封靈張惠紹石陽 室天淵藻西昌侯宗		恭永祖遂興年縣封男 蕭誅西昌侯 鸞建西昌侯年又封蕭	東昌縣子又封焦度 昇昌侯二年封劉旻 元石封劉延孫孝東建 大明元年封王謙
州江 郡三〇年煬改帝郡開為皇州三	江州	江州		江州	江州
郡廬陵 為郡煬帝改	廬陵郡	廬陵郡		廬陵郡	廬陵郡
縣和太 西業八年徙縣于 年置改為太和一 昌併東昌等廢西	縣昌西 屬廬陵郡	縣昌西 屬廬陵郡	縣昌西 屬廬陵郡	縣昌西 屬廬陵郡	

宋	周 漢 晉	泰和縣志	後唐 朱梁	唐
滅 李煜開寶八年 宋初尚為南唐	唐 南 李昇據江南 在晉天福二年 傳李璟		吳 楊行密○渥 ○溥○隆演	
路 西 南 江 路初復為江南西 於四年鄂州以路吉紹興 二禧○四年高宗復建炎為 并西為一端真宗二年 元太宗分江西南興國			卷一 沿革表 十五	
吉州軍	吉州	吉州		郡 陵 廬 州 吉 又肅宗乾元元年□年 改郡為州□年 年○明改州為郡 於今廬陵縣治 廢石陽州□年 高宗永元□年 改郡為吉州○年
縣 和 太 州隸永興縣屬□ 祐七年割三縣元 縣之熙寧四年□□	縣 和 太 縣泉場尋陞為 年南于唐縣置龍	縣 和 太 屬吉州		縣 和 太 縣四年□□□□ 今於自下□□ 於元三年□□ 元安□□ 州□□□□ 化□□□□

本朝	明	元
	嘉靖初封陳伯 先泰和縣伯	
司 江西布政	司 江西布政	行 江 省 西
吉安府	府 安 吉 年改路為府 太祖洪武元	路 安 吉 改為吉安路 宗皇慶元年 路總管府仁
縣 和 泰 屬吉安府	縣 和 泰 改太曰泰屬 吉安府	州 和 太 屬吉安路 陞為 州 元貞元年

泰和縣志

卷一

沿革表

十六

周為吳地後屬越復并於楚

按廬陵志周泰伯五世孫周章始封吳子廬陵□

屬吳元王四年吳地屬越顯王三十五年吳地□

入於楚

秦置廬陵縣屬九江郡

秦始皇二十五年置廬陵縣淳熙志

始皇二十四年王萬滅楚虜負芻明年置廬陵□□

新淦三縣屬九江郡明一統志

按史記秦始皇本紀二十五年王翦遂定荆江□

□降越郡置會稽郡二十六年分天下以為三□
六郡始有九江郡之名廬陵縣當在比時置□□
志作二十五年誤

□□廬陵縣地屬豫章郡

按廬陵志高帝五年定楚地剖符封九江王布為
淮南王都六王四郡豫章郡屬焉

廬陵莽曰桓亭又王子侯表西昌侯敬魯共王子武
帝時封漢書地理志

按西昌之名始此

泰和縣志

卷一

輿地

沿革

十七

漢高帝五年以廬陵縣屬豫章郡太平寰宇記

故廬陵縣在今泰和縣西三里宏治志

後漢末以廬陵縣為郡置西昌縣為廬陵郡治

豫章郡廬陵興平元年孫策分立廬陵郡□□書
郡□國□志□

獻帝興平中孫策分豫章立廬陵郡統縣十西昌高

昌石陽巴邱南野東昌遂興吉陽興平陽豐□□書地

建安四年孫策置西昌縣通鑑

按宏治志興平元年吳縣西昌蓋因後漢志與晉
宋志而誤考興平元年策始起兵至建安四年□

□□始得豫章因分置廬陵郡及西昌縣當從通鑑為正

晉太康元年徙廬陵郡治於石陽以西昌縣屬焉宋及南齊並陳因之

晉徙廬陵郡於石陽西昌縣如故郡在縣西北三十里萬歷志

按宏治志作太康二年誤

隋開皇十年廢西昌置安豐縣尋復舊改曰太和仍舊廬陵郡

泰和縣志

卷一

輿地

沿革

十八

太和乎陳置曰西昌開皇十一年省東昌□更名焉

隋書地理志

文帝開皇九年平陳次年□西昌并東昌遂興廣□

永新新合等地而□安 □十一年改安豐為太和

大業八年以縣治非津要乃徙於西昌故城宏治志

太和之名始此以□產嘉禾乃和氣所生故名見邑

人徐鍇白鶴觀碑萬歷志

隋書並無安豐縣□□故基今無所考大業八年以

□豐地非津要徙之續通典云故城即齊明帝初封

西昌地 康熙志

西昌故城在今縣南三里東漢志豫章有西昌縣即此名勝志

按後漢志豫章無西昌縣此悞又太和隋志作泰和泰太古蓋通用

唐初屬吉州又置南平州治太和縣尋廢州以縣屬廬陵郡

太和武德五年置南平州并置永新廣興東昌三縣八年州廢省永新廣興東昌入太和 唐書地理志

泰和縣志

卷一

輿地沿革 十九

武德五年平林士宏即縣治置南平州以州人劉乾宗為刺史八年州廢復為縣貞觀五年以西昌嘗經

寇陷故復徙歸故城即安豐舊治 宏治志
顯慶二年析太和地復置永新縣 唐書地理志

永新顯慶二年析太和置 同上

按宏治志作顯慶四年誤

乾元三年城白下移縣於白下驛西為土城縣治始定 宏治志

肅宗乾元三年閏四月改上元元年此當是改元以

前事 萬歷志

五代時屬吉州

五代為楊吳及南唐地屬吉州南唐又析置龍泉縣南唐保太元年析太和地置龍泉場尋升為縣在周

顯德七年 萬歷志

宋屬吉州廬陵郡

熙寧四年析縣之誠信鄉六保置萬安縣 萬歷志

按宋書地理志萬安縣以龍泉縣萬安鎮置似地屬龍泉非析太和也宋志蓋誤

泰和縣志 卷一 輿地 沿革 二十

元祐七年割縣三堡隸永新

以高行鄉之醮陂官北漿坑三堡地近永新故割隸之疆域始定 宏治志

大觀二年改縣之萬歲鄉為信實鄉

按淳熙志知州施大夫以其稱呼不便請于朝有旨改今名今無可考 萬歷志

元陞縣為太和州屬□安路

太和州唐初置南平州後廢為縣元元貞元年陞州

元史地理志

明初州廢仍為縣改太為泰屬吉安府

元太和州洪武二年正月改為泰和縣

明史地理志地

明初改太和曰泰和

府志

按宏治志作洪武二年二月

國朝因之編戶二百四十二里

按泰和春秋屬吳吳滅屬越戰國屬楚秦隸九江郡漢時得名廬陵繼升為郡隸豫章名西昌者始自元朔三年封敬西昌侯也縣西昌者建安四年孫吳置也其間或改為縣或陞為州建置不一按

泰和縣志

卷一

輿地 沿革 二一

籍可稽而自唐以前疆域殆數百里顯慶而後西北境置永新復益以高行之三堡而西南境又析置龍泉萬安二縣所謂東昌故地在邑北鄙則屬今廬陵明初復州為縣改太為泰至於今逾四百載聿仍舊貫前志或詳此畧彼今叅合史籍及省府與各縣志詳著於篇以備考

形勝

□和踞郡上游城於古西昌地控途水陸道交廣者由之行商往來通貨南北山川風物清粹佳麗

宋陶和縣

記□

□□荆廣唇齒淮浙江山映帶在眉宇間宋劉彥登譙樓記

泰和古南平州地勢西北高而東南低大江北滙流為

四溪而入於江明嚴萬全柳溪書院記

前挹澄江後引科嶺金魚插其左龍洲翼其右此西昌

山川之勝明徐叔倫泰和攀桂樓記

西昌舊稱神仙窟宅章貢山水阻溢至泰和豁然平行

淵潭澄渟岡瀧秀婉特異他邑匡山盤曳武姆雄馳

後自牛吼至磨車灣連亘若負宸府志

泰和縣志 卷一 輿地 形勝 二二

登科諸嶺拱其後四望如玉几澄江一水繞其前俯視

如天塹王山東峙若錦屏張武姆西來若天馬驟又

其面三顧諸山如筆架之橫陳至於龍洲過縣而狀

元之識屢應魚塢添兒而宰相之生不虛山川形勝

有非他邑可比宏治志

前帶澄江後自牛吼江起至磨車灣止山勢平鋪若負

宸然堪輿家言縣有王山木星正東王華登科諸嶺

水星正北尖星岡金星正西天馬三顧諸山火星□

南縣治來自武山土星是為五□奠位康熙□

泰和自西南迢遞逶迤至五龍山巔劣峭拔參霄入漢
一貫坑嶺走安平至垞格從西兌行龍復起武山地稱
一仙窟其山高以削其水漻然深天地清淑之氣萃焉

□
上同

泰和縣志

卷一

輿地

形勝

一一三